



Broj: 01-02.2-12741-15/19-IO
Datum: 20.11.2019.godine

Na osnovu člana 69. stav 2. tačka d), člana 70. stav 4. i člana 71. Zakona o javnim nabavkama ("Službeni glasnik BiH", broj:39/14), člana 15. stav 2. Pravilnika o javnim nabavkama JP Ceste Federacije BiH d.o.o. Sarajevo broj:01-1511-2/16 od 05.02.2016.godine na preporuku Komisije za provođenje pregovaračkog postupaka nabavke radova redovnog i zimskog održavanja magistralnih cesta na teritoriji F BiH za period 15.11.2019. godine – 15.03.2020. godine, odnosno do okončanja ranije pokrenutog ograničenog postupka, Uprava JP Ceste Federacije BiH d.o.o. Sarajevo d o n o s i

O D L U K U

o poništenju postupka javne nabavke u pregovaračkom postupku bez objave obavještenja – nabavka radova redovnog i zimskog održavanja magistralnih cesta na teritoriji FBiH za period 15.11.2019. godine – 15.03.2020. godine, odnosno do okončanja ranije pokrenutog ograničenog postupka javne nabavke

LOT-5

I

Poništava se postupak javne nabavke po pregovaračkom postupku bez objave obavještenja, nabavka radova redovnog i zimskog održavanja magistralnih cesta na teritoriji FBiH za period 15.11.2019. godine - 15.03.2020. godine, odnosno do okončanja ranije pokrenutog ograničenog postupka javne nabavke LOT-5, Tenderska dokumentacija broj:01-02.2-12741-R/19-ZZ objavljena na web stranici ugovornog organa dana 06.11.2019.godine, jer primljena ponuda nije prihvatljiva.

II

Ova Odluka stupa na snagu danom donošenja i dostavlja se svim kandidatima - učesnicima postupka nabavke, te će se objaviti na web stranici ugovornog organa (www.jpcefbih.ba).

O b r a z l o ž e n j e

Pregovarački postupak bez objave obavještenja nabavke radova redovnog i zimskog održavanja magistralnih cesta na teritoriji F BiH za period 15.11.2019.godine – 15.03.2020.godine, odnosno do okončanja ranije pokrenutog ograničenog postupka javne nabavke LOT-5, pokrenut je Odlukom o pokretanju postupka javne nabavke broj: 01-02.2-12741-1/19-ZZ od 31.10.2019.godine.

Javna nabavka se provedi putem pregovaračkog hitnog postupka bez objave obavještenja po Tenderskoj dokumentaciji broj:01-02.2-12741-R/19-ZZ objavljenoj na web stranici ugovornog organa dana 06.11.2019.godine.

U predmetnom postupku javne nabavke ponudu je po pozivu ugovornog organa dostavio ponudač:

1. RUDNICI GIPSA z.d.d., 770 Slavne brdske brigade bb, 70220 Donji Vakuf, vrijeme prijema ponude:08.11.2019. u 13,31 sati:

LOT 5-

817.379,66 KM- bez PDV-a

956.334,20 KM - sa PDV-om

Sa web stranice ugovornog organa niti jedan ponuđač nije preuzeo Tendersku dokumentaciju. Komisija za provođenje pregovaračkog hitnog postupaka bez objave obavještenja radova redovnog i zimskog održavanja magistralnih cesta na teritoriji F BiH za period 15.11.2019. godine – 15.03.2020. godine, odnosno do okončanja ranije pokrenutog ograničenog postupka javne nabavke LOT-5 imenovana rješenjem direktora JP Ceste Federacije BiH d.o.o. Sarajevo broj: 01-02.2-12741-2/19- DZ od 11.11.2019. godine izvršila je otvaranje, pregled i ocjenu pristigle ponude, te nakon obavljenih pregovora dana 11.11.2019.godine, konstatovala da je dostavljena ponuda konačna. Ugovorni organ nakon obavljenih pregovora donosi Odluku o izboru najpovoljnijeg ponuđača broj: 01-02.2-12741-6/19-IO od 14.11.2019.godine, kojom se u tački III izabrani ponuđač obavezuje dostaviti ovjerene kopije dokumenata iz člana 45. ZJN u roku od 2 dana od dana dostavljanja ove Odluke.

Izabrani ponuđač je dužan prije potpisivanja ugovora, dostaviti važeću licencu (A ili A+) za izvođenje radova redovnog održavanja javnih cesta izdatu od Federalnog ministarstva prometa i komunikacija.

Nakon zaprimanja dokumenata iz člana 45. ZJN, dana 19.11.2019.godine, Komisija za nabavke ocjenjuje da nisu ispunjeni uslovi za zaključivanje ugovora sa ponuđačem RUDNICI GIPSA z.d.d., 770 Slavne brdske brigade bb, 70220 Donji Vakuf, iz sljedećih razloga:

- Dostavio je u svojoj ponudi broj:155/19 od 08.11.2019. godine popunjenu i kod nadležnog organa ovjerenu izjavu u svrhu dokazivanja lične sposobnosti iz tačke 12. Tenderske dokumentacije, u okviru koje pod punom krivičnom i materijalnom odgovornošću izjavljuje da je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan. U roku ostavljenom Odlukom o izboru najpovoljnijeg ponuđača broj: 01-02.2-12741-6/19-IO od 14.11.2019.godine, dostavlja dana 19.11.2019. godine, kao ponuđač kojem je dodjeljen ugovor dokumentaciju u skladu sa članom 45. stav 2. tačka a) do d) ZJN, te je uvidom u istu Komisija konstatovala da je dostavio Sporazum o plaćanju duga u 12 rata zaključen sa Poreznom upravom Federacije BiH, Kantonalni porezni ured Novi Travnik broj:13-6-01-15-25-279/19 VČ-2 od 27.03.2019.godine, radi naplate javnih prihoda:poreza na promet, poreza na dodatna primanja, poreza na dobit, poreza na plaću, doprinosi iz i na plaću i poseban porez, počevši od 27.04.2019.godine-27.03.2020.godine.Uz navedeni Sporazum nije dostavio potvrdu poreskog organa da u predviđenoj dinamici izmiruje svoje obaveze, koju je bi dužan dostaviti uz Sporazum o plaćanju duga u ratama, a u skladu sa članom 45. stav 3. ZJN.
- U skladu sa tačkom 31. Tenderske dokumentacije **Zaključivanje ugovora ili okvirnog sporazuma na duži period ponuđač je dužan** prije potpisivanja ugovora, priložiti važeću licencu (A ili A+) za izvođenje radova redovnog održavanja javnih cesta izdatu od Federalnog ministarstva prometa i komunikacija u skladu sa Pravilnikom o licenciranju izvođača radova redovnog održavanja javnih cesta (Sl.novine FBiH br.56/15 od 22.07.2015.godine). U roku ostavljenom Odlukom o izboru najpovoljnijeg ponuđača broj: 01-02.2-12741-6/19-IO od 14.11.2019.godine, dostavlja dana 19.11.2019. godine, kao ponuđač kojem je dodjeljen ugovor LICENCU A kojoj je važnost istekla 08.10.2019.godine, dakle prije objave Tenderske dokumentacije za predmetni postupak broj:01-02.2-12741-R/19-ZZ na web stranici ugovornog organa dana 06.11.2019.godine, te je dostavljen obrazac zahtjeva za izdavanje licence koji je ponuđač podnio dana 21.08.2019.godine, Federalnom ministarstvu prometa i komunikacija .

S obzirom da nije bilo drugih ponuđača za konkretni postupak javne nabavke, kojem bi ugovorni organ ponudio potpisivanje ugovora, kao sljedećem na rang-listi, odmah nakon ponude najuspješnijeg ponuđača u skladu sa članom 72. stav 3. ZJN , to su se ispunili uslovi za poništenje postupka javne nabavke po pregovaračkom postupku bez objave obavještenja –nabavka radova redovnog i zimskog održavanja magistralnih cesta na teritoriji FBiH za period 15.11.2019.

JP CESTE FEDERACIJE BIH

godine – 15.03.2020. godine, odnosno do okončanja ranije pokrenutog ograničenog postupka javne nabavke LOT-5, a sve u skladu sa članom 69. stav 2. tačka d). Zakona o javnim nabavkama ("Službeni glasnik BiH", broj:39/14).

Obzirom na naprijed navedeno odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Dostaviti:
-kandidatima svim
-a/a



Ljilja Pravdić, dipl.ing.građ.

A large, stylized handwritten signature in blue ink, appearing to be "Ljilja Pravdić".